

COMUNICATO n. 3193 del 16/11/2024

Traduzione in ladino

“Pedies”: l é fora la puntata #460 del program ladin per la televijion

[Ladino] N nef apuntament de “Pedies”, l program ladin de informazion, ruà a la puntata 460. I argomenc de chesta setemèna l é: la sentèda del Consei General che la é stata aló da la senta del ent en mèrtesc passà ai 12 de november, e olache l é stat tout dant 10 ponc al orden del dì. Anter chisc, 3 interrogazions del grop de mendranza Fassa e l’aproazion del Pian Organich de politica linguistica e culturèla per l an 2025; i dac e i ejic de la gestion del refudam de chest an. En cont de chesta tematica l é stat intervistà l responsabol del servije che l à metù al luster aspec positives e negatives de la regoeta desferenzièda. Amò apede, l à fat a saer che per l an che vegn vegnarà metù en esser mudamenc emportanc che i revèrda dut l teritorie de la provinzia; tinultima, te chesta puntata jirà fora endò la rubrica dal titol “Svampol ciatarul” dedichèda a personajes particulères e de nonzech dal pont de veduda sozièl artistich e culturèl. La persona che vegnarà portèda dant chest’outa l é la menacrep e maestra de schi Marika Favé da Ciampedel.

I servijes de chesta setemèna, enjigné da Angela Pederiva, Sabrina Riz e Riccardo Zanoner, i vegn porté dant da la ousc de Riccardo Zanoner.

Metù a jir col sostegn del Comun General de Fascia, de la Provinzia autonoma de Trent e de la Region autonoma Trentin – Südtirol.

“Pedies” l va fora su Trentino Tv vigni sabeda da les 18.00 (sie da sera), de domenia da les 13.30 (mesa la does domesdi) e de lunesc da les 11.30 (mesa les doudesc).

Se pel veder duta la puntates ence sul canal YouTube de TV Ladina sot chest link:
<https://www.youtube.com/@TvLadina>

Se pel veder i servijes un a un su la piata Facebook de TV Ladina
<https://www.facebook.com/TelevijionLadina>

Traduzion di Servijes Linguistics e Culturèl del Comun general de Fascia

(cdt)